

liam venisset, Erasmus Roterodamus, qui Basilea relicta propter mutatam religionem, & vitandæ suspicionis causa, Friburgum sese reperat, Ferdinandi Regis oppidum, Nouembri mense libellum edit, qui titulo quidem inscriptus est, Contra quosdam qui sese falsò iacent Euangelicos: re vera autem totum ordinem perstringit. Aduentante Bononiam Cæsare, Franciscus Sfortia profectus ad eum, intercessione Clementis septimi Mediolanensem principatum tandem recuperat.

## LIBER SEPTIMVS.

**D**iximus antea Protestantes decreuisse legationem ad Cæsarem. Hi erant Ioannes Ehingerus, Alexius Fauentrutus, Michael Cadius Noribergensis. Duodecimo Septembris die admissi Placentiæ, ordine repetunt decretum imperii factum ante annum tertium, quod nuper alio decreto sublatum sit. Quod quidem si valere beat, maximæ sint ex eo turbæ nascituræ. Saxoniæ Principem igitur Electorem atque socios, & in iis adiunctas quoque ciuitates, palam tunc esse professos non se huic assentiri decreto. Rogare autem ne graui ter hoc ipse ferat: sed necessitati tribuat. Illos enim interea dum cogitur Concilium nihil esse admissuros, quod non & Deo sperent, & ipsi quoque posse probari. Cæsar decimo tertio die Octobris responsum dedit scriptum, ut il

li petierant , decretum illud idco factum esse,  
ne quid deinceps innouetur , nec vlli lecta sit  
in posterum locus:deinde vt pax & concordia  
per Imperium statuatur . Ideoque Saxonæ  
principem atque socios meritò debuisse his  
omnibus assentiri . Nam & sibi & reliquis Prin-  
cipibus animæ suæ salutem & conscientiæ  
tranquillitatem non minus esse cura quam illi:  
nec etiam minus optare se Conciliū quam  
illi , constituendæ reipublicæ causa . Et quia  
moribus receptum est , vt quod maior pars or-  
dinum Imperii sanciuit , ne paucis quibusdam  
hoc rescindere liceat:ideo se datis literis ad Sa-  
xonem & socios mandasse , vt decretum fa-  
ctum habeant ratum , neque contrà faciant;  
sed obtemperent pro ea fide , qua sibi deuincti  
sint & imperio . Nam alioqui fore vt auctorita-  
tatis & exempli causa scuerè in ipsis animad-  
uertat . Eo dato responso , legati appellatio-  
nem , sic vt erat concepta , tradunt Alexandro  
Schuassio , testibus ad eam rem adhibitis , vt fie-  
ri consuevit . Ille quidem initio recusat , sed  
tandem accipit , & ad Cæsarem defert: eodem  
que die post meridiem redit , & reliquo ser-  
mone confecto , Cæsarem iubere dicit , ne pe-  
dem moueant è diuersorio , ne quid suis per-  
scribat , ne quem suorum aliquò mittant , do-  
nec aliud renuntiet : capitis & fortunarum  
denuntiata poena , si secus faciant . Dum hoc  
agitur , fortè aberat domo Michael Cade-  
nus

*Præsoca-  
tio Pro-  
testantiss.*

nus, & è vestigio certior factus per famulum, rem omnem senatui Noribergico perscribit, & literas magna celeritate perferri curat: nec enim fide tenebatur deuinctus ut collegæ. Penultimo demum Octobris die, Parmæ quo iussi erant sequi, Nicolaus Granuellanus nuntiat eis, & si delatam prouocationem Cæsar ægrè ferat, tamen permittere vtdomum ad suos reuertantur. *Cadeni per  
vicalum.* Cadenum verò iubet manere, capitis pœnam comminatus nisi pareat. Cuius quidem rei hæc erat causa, Lantgrauius dede-  
rat abituro libellum eleganter adornatum, qui doctrinæ Christianæ summam paucis complebat, vt Cæsari daret. Is per occasio-  
nem, quum ad sacrum iret Cæsar, porrigit. Cæsar inuicem Episcopo cuidam Hispano,  
vt quid rei esset cognosceret. Hic fortè in il-  
lum locum incidit, vbi Christus monet A-  
postolos, ne principatum affectent: hoc enim ipserum non esse professionis, & gentium Reges usurpare sibi talem potestatem. Eum locum auctor inter alia tractauerat, demon-  
strans cuiusmodi sit officium ministrorum Ecclesiæ. Sed ille quum obiter legisset, percon-  
tanti Cæsari ita referebat, quasi Magistratui Christiano ius gladii tolleret libellus, & gen-  
tibus duntaxat alienis à religione Christiana permitteret. Hac ergo de causa detinetur iste. Quum autem factum purgaret, neque

satis commodum responsum ferret , & è sermone Granuellani periculum suum intelligeret, silentio conscedit equum, & celeriter Ferrariam , inde Venetas profectus , domum revertit. Senatus Noribergicus acceptis litteris Cadeni, Saxonē, Lantgraviū & socios illico certiores facit: quibus, re deliberata, placuit Smalcaldiæ fieri conuentum sub finem Novembribus. Ed venerunt ad diem, Saxonæ prin- ceps eiūque filius Ioannes Fridericus, Ernestus & Eranciscus Luneburgici fratres, Lant grauius Philippus, Georgii Brandenburgensis consiliarii. Ciuitates etiam Argentoratum, Vlma, Noriberga, Heilprunum, Rutelinga, Constatia, Meminga, Campodunum, Linda- uia . Ibi nihil aetū, quod proposita de religione capita ciuitates non prorius probarent: nec patiebantur Principes fœdus institui, ni doctrinam per omnia admitterent. Tandem ita disceditur, ut qui doctrinā hanc omnem profteri velint, atque recipere, Noribergam ve- niant ad sextum Ianuarii diem anni sequentis.

Argentinenses interea muniendi sui causa, cum Tigurinis, Bernatibus, Basiliensibus, qui & vicini erāt, & dogmate magis conueniebat, fœdus faciunt. Cæsar interea, qui Nouembris die quinto Bononiam venerat, Ianuarii die vicefimo primo dimissis in Germaniam li- teris , conuentum indicit omnium ordinum Augustæ, ad diem octauum Aprilis, religionis potissimum

Comitia  
Protest.  
Smalcal-  
die.

M. D.  
xxx.

Conuen-  
tus Augu-  
ste.

potissimum & Turcici belli causa. Vigesimo quarto deinde Februarii die, maximo cum ap- paratu atq; splendore fuit inauguratus à Pon- tifice, quum verbis conceptis iurasset, Pontifi- cia dignitatis perpetuum se esse futurū defen- forem. Augustam primus omniū venit E'le- & tor Saxoniæ cum filio. In reliquo comitatu erant Philippus Melanchthon, Ioannes Isle- bius Agricola, Iustus Ionas, Georgius Spalati- nus. Mittebant obuiam Cæsari gratulatum, Vlmentes: quum vix ægrè tandem essent ad- missi, Cæsar postulat, vt à superioris anni pro- testatione discedant, séque deinceps imperata facturos esse spondeant. Vrbis tuendæ causa conscriperant Augustani ad octingentos pe- dites. Hoc vbi Cæsar accepit, iubet eos dimitti, & alios ipse conscribit, inque suam fidem adigit: & portam vnam vrbis tradi sibi postu- lat diebus aliquod antè quam eò venisset.

Hoc ferè tempore venit in Galliam ab His- spaniis Eleonora cum regiis liberis, Francisco & Henrico, qui iam totum quadriennium ibi fuerant obsides loco parentis. Non multo pōst inaugurationē Cæsar, Pontifex ad Fer- dinandum regē mittit legatū Petrum Paulum Vergerium iureconsultum, ampla cum potestate. Sed in primis ei dedit in mandatis, vt omnē operam nauaret, ne prouincia Germa- niæ concilium fiat, vique Ferdinandus omnē impediāt eius generis actionem. Ille sibi com-

Vergerius  
legatus  
Pontif.

missum munus diligenter exequitur, & quacunque ratione potest Lutheranis incommodat, & in Ioannem Fabrum, Eccium, Cochleum, Nauseā munificus erat, vt fortiter agerent. Augustam Cæsar venit Idibus Iunii sub vesperum. Erat in eius comitatu Campegius Cardinalis, à Pontifice missus cum plenis mandatis. Alter dies erat sacer, & corporis Christi memoriae dicatus, vt vulgo dicunt. Itaque Cæsar ad diuorū tempora supplicatio-  
*Protestant*  
*tes Cæsaris*  
*sacerdos absti-*  
*nent.*  
 nem faciebat, missificante Moguntino. Principes aderant omnes maximo numero, præter Saxonem, Lantgrauium, Luneburgicos fratres, Georgium Brandenburgicum, Anhal-  
 dium. Cæsar quidem eis nuntiauerat vt & adessent, & suos abrogarent concionatores. Illi autem neque venerunt: & quia conuen-  
 tus hic eò sit indictus, vt omnium audiantur sententiæ, non se posse suis imponere silentiū ante cognitionem cause dicebant. Bīduo post fuit editum, vt vtriusque partis concionatores desistant, donec de religione decidatur: Cæsar tamen aliquos constitueret, qui sine cuiusquam cōtumelia doceant. Fuit hoc præ-  
 conis voce denuntiatum, constituta poena. Iu-  
 nii die vigesimo factum est initium actionis,  
 & Cæsar Missam aditurus de more Saxonem  
*Saxonis*  
*Elect. offi-*  
*cium.*  
 adesse iubet, ac sibi præferre gladium. Nam id Saxonicae domus est officium in eiusmodi pompis. Ille re deliberata, quum theologi di-  
 cerent

cerent licere adesse, quod ad suum officium esset, euocatus non ad missam, velut ad cultum Diuinum, accessit, Georgio Brandenburgico comitus. Reliquorum nemo venit. A sacro ventum est in curia. Ibi Fridericus Palatinus nonnulla præfatus, moram Cæsaris excusat, & simul causâ indicti cōuentus repetit. Deinde recitata fuit oratio prolixia de scripto, sicut fieri consuevit. Eius erat summa, quia subitariis illis & intercisis auxiliis nihil adhuc profectum sit in Turcam, agendum nunc quomodo perpetuentur auxilia, ne videlicet vlo tēpore desit pecunia, copiæ, vires: ut non modò defendi, verum etiam inferri bellum, nec amissa solū recuperari, sed illi etiam sua possint eripi. Quod ad religionem attinet, quum variis actionibus hucusque nihil effectum esse videat, magni fore momenti suam presentiam existimasse. Conuentum igitur hunc indixisse, ut in eo quod quisque vellet proponat in mediū, scripto cōprehēsum: quo nimis tantum cōmodius atque celerius intelligi res possit atque definiri.

Principes habita deliberatione iudicabant o. mniū primò agendū esse de religione. Quarto pōst die Cäpegius in cōsessu Principū Cæsare præsēte orationē habuit Latinā, hortatus eos, ut in causa religionis morē gerant Cæsari, collaudata ipsi⁹ virtute atque pietate. Se quoque Pontificis nomine daturum operam, ut eandem fidem profiteantur omnes, & reconciliatis animis bellum in Turcam suscipiant.

Cäpegius  
legatus  
Pontif.

Ab eo, legati Austriachi quantam acceperint  
à Turca calamitatem exponunt, opémque pe-  
tunt. Post hæc Saxonæ Princeps Elector,  
Georgius Brandenburgicus, Luneburgensis,  
Lantgrauius, orant Cælarem ut suæ doctrinæ  
confessionem scripto comprehensam audiat.  
Ille iubet exhiberi scriptam, atq; deponi. Rur  
fus illi, quoniam ea res ad eorum existimatio-  
nem, ad fortunas, ad sanguinem atque vitam  
& animæ salutem pertineat, & quia secus ei  
fortè delatum sit quām res habeat, instant &  
audiri postulant. Cæsar vt postridie domum  
suam veniant, iubet: sed scriptum sibi iam tra-  
di petit. Illi denuo quām possunt vehementis-  
simè vrgent & obsecrant: neque putasse dicunt  
hoc sibi denegatum iri, quum alios multo se  
humiliores, in rebus etiam leuioribus audiat.  
Quum autem ille de proposito nihil mutaret,  
petunt vt scriptum sibi relinquat, donec sit re-  
citatum. Eo permisso, veniunt altera die, atq;  
ibi in cœtu Principum & omnium ordinum,  
auscultante Cælare, recitant. Postea Latinè  
atque Germanicè conscriptum ei tradunt: &  
si fortè iam definiri causa non possit, nō se re-  
cusare toties & promissum & decretum Con-  
cilium demonstrant. Cæsar, qui totam hyemē  
inde à Nouembri vsque in Martium mensem  
Bononiæ fuerat cum Pontifice in eodem pa-  
latio, totus eò spectabat, quemadmodum reli-  
gionis dessidium absque Concilio pacaret.

Nam

*Poſtulata  
Proteſtan-  
tium.*

*Pontificis  
artes.*

Nam hoc esse Clementi longè gratissimum sciebat: cuius hic erat scopus, ut si leuiter sopia-  
ri causa non posset, opprimeretur armis. Saxon-  
icam confessionē Cæsar tradit reliquis Prin-  
cipibus, ut cognoscant: hi deinde suis theolo-  
gis, in quibus facile erant primi Ioannes Faber  
& Eccius. Ii contrarium scriptum & confuta-  
tionem opponunt. Interim Argentinenses,  
Constantienses, Memingi, Lindauii doctrinæ  
suæ confessionem scriptam, & ipsi tradunt  
Cæsari. De Coena Domini non idem hi quod  
Saxones & socii sentiebant. Re deliberata  
cum legato Pontificio, Cæsar decreuit respon-  
sum ad scriptum Saxonicum, & Principibus  
illud Calendis Augusti communicat. Exitus  
erat vehemens atque durus, proposita nimia-  
rum pœna proscriptionis iis qui non parerent.  
sed de Principum consilio mitigatum hoc  
fuit. Itaque tertia die Augusti cōuocat omnes  
ordines, & confessionis cōfutationem à theo-  
logis aduersariis conscriptam recitari iubet.  
Ea recitata Saxo & socii exemplum sibi dari  
postulant, quandoquidem eius doctrinæ, quā  
obtulerunt, capita quædam sint admissa, quæ-  
dam repudiata: opus esse, ut amplius sua con-  
firment atque doceant. Biduo post quum Cæ-  
sar diu deliberasset, ait daturum se quidem:  
verū ea lege, ne quid eius euulgent, aut typis  
procudant: nolle etiam ampliorem ullam ad-  
mittere disceptationem. Illi autem hac lege

Protest.cō-  
fessio Au-  
gusti.

Lantgra-  
vii abito.

non se posse recipere demonstrant. Postri-  
die, qui sextus erat Augusti dies, Lantgravius  
paucis aliquot comitatus, illinc discedit, reli-  
ctis legatis. Moleste hoc Cæsar tulit: & Sena-  
tui mandat, ne quem omnium per locum se-  
cretiorem vrbis, qui noctu solum patescere so-  
let, emittant. Et altera die quum Saxonem  
& socios euocasset, offensionem minimè dis-  
simulat, & petit, vt ad exitum ipsi permaneāt;  
se nimurum quod ad concordiam attinet, ni-  
hil esse prætermissurum. Illi purgant Lant-  
gravius per vxoris valetudinem, & legatos  
reliquisse docent, neque se discessuros aiunt.  
Sed interim mirari, cur excubiae sint atque sta-  
tiones ad portas dispositæ. Nec enim in Im-  
perii conuentibus ita fieri consueuisse. Cæ-  
sar excusat propter cædem factam, & Germa-  
norum atque Hispanorum dissidia. Si quid  
turbæ deinceps accidat, nihil eiusmodi se fa-  
ctum, nisi ipsum, qui sit Imperii Mareschallus,  
antè præmoneat. Circiter hoc tempus  
finem habuit bellum Florentinum. Nam ob-  
Bellum  
Florentinum  
fensi Florentini à Cæsarianis & Pontificiis  
copiis, quod eo tempore quo Roma capta  
fuit atque Pontifex, familiam Mediceam eie-  
ccerant: quum per anni ferè tempus bellum du-  
xissent, quarto Idus Augusti certis conditio-  
nibus cum Ferdinando Gonzaga Cæsaris le-  
gato transfigunt. Cæsar deinde missis eò li-  
teris

teris amplissimis Alexandrum Medices, cui filiam suam Margaritam notham promiserat in matrimonium, principem eis constituit. Is deinde maximæ molis arcem ibi construxit. & hoc est quidem ipsorum seruitutis initium. Deditio recepta vrbe, Clemens primarios aliquot Senatores capite multauerat, & reipublicæ formam aliquam instituit.

Augustæ post multam actionem delecti Concilia-  
fuerunt vtrinque septeni, qui concordiaꝝ ra-  
tores dele-  
tiones inirent. Inter hos de nonnullis con-  
uenit: sed de Missa, de coniugio sacerdotum,  
de Coena Domini tota, de votis monasticis,  
de iurisdictione Episcoporum præcipua erat  
controversia, maximè verò de Missa déque  
votis. Nam in eo nihil remittebant Ponti-  
ficii. Visum deinde fuit hunc numerum  
esse arctandum. Itaque terni sunt vtrinque  
delecti, Melanchthon cum duobus iurecon-  
sultis, & Eccius cum totidē. Sed Philippo fuit  
iniunctum, ne quid amplius concederet. Cùm  
verò sententiis non conuenirent, Pontificii  
voletabant à pluribus rem denuo tractari. Dum  
hæc ita geruntur, Cæsar Georgium Brande-  
burgicum sollicitat per Episcopum Mogun-  
tinū & alios eiusdē familiæ: Saxonem verò per  
Fridericum Palatinū, per Nassouiū, per Geor-  
gium Truccesiū, vt ab incepto desistat. Saxo-

h. ii.

nem quidem conatus est etiam ab aliis diuel-  
lere, tanquam præcipuum : & petenti suæ di-  
tionis inaugurationem pro more Imperii, de-  
negabat, nisi prius cum ecclesia Romana re-  
diret in gratiam. Septembribus die septimo Cæ-  
sar omnes Principes ac ordines Pontificios  
domum suam conuocat circa meridiem. Dua  
bus deinde post horis Saxonem atque socios,  
& remotis omnibus aliis adhibitóque Ferdi-  
nando fratre, Episcopo Constantiensi, Hispa-  
lensi, Græuellano, Truccesio, per Fridericum  
Cæsaris ad  
Protestan  
tes oratio. Palatinum verba facit, Omnilo sperasse futu-  
rum, ut tam amanter atque benignè à se com-  
monefacti , post exhibitam confessionem ad  
partes suas trāsirent: nec enim existimasse fo-  
re, vt ipsi qui sint numero pauci, res nouas in-  
troduceret contra vetustum & sacrosanctum  
totius ecclesiæ morem , aut singulare aliquot  
doctrinæ genus usurparent, à Pōtificis, à suo,  
à Ferdinandi Regis, ab omnium Imperii Prin-  
cipum & ordinum, à totius orbis Regū atque  
maiorum instituto alienum. Iam verò quia &  
Concilium cogi , & decretum hic fieri paci-  
ficum petant, se qui pacem imprimis optet,  
effecturum apud Pontificem & reliquos orbis  
Christiani Principes , vt vbi primùm conue-  
nerit de loco, Cōcilium denuntietur. Hoc se  
recipere ipsis atque confirmare. Verūm cale-  
ge tamen, vt interim eādem quam ipse, quam  
alii quoque Principes religionem sequantur.

III

Illiquum deliberassent, nullam se nouam se-  
dam instituisse, neque secessionem ab Ec-  
clesia Christiana fecisse dicunt. Quod Con-  
cilium non recuset, agere permagnas gratias,  
& petere, ut primo quoque tempore pium  
atque liberum in Germania cogatur. Ut au-  
tem abolitos Ecclesiae Romanæ ritus atque  
dogmata recipient, non se posse bona cum  
conscientia. Georgius quidem Truccius &  
Vetus iureconsultus Badensis conciliationis  
vias aliquot de Missa deque votis priuatim in  
medium adducebant, sed id frustra fuit. Ita-  
que Cæsar mandati delecti sunt, qui de fa-  
ciendo decreto deliberarent. Hi erant Mogun-  
tinus, Brandenburgicus Elector, Salisburgius,  
Argentinensis, Spirensis Episcopi, Georgius  
Saxonie, Guillielmus Bauariæ Princeps, Hé-  
ricus Brunsuicensis. Quin ad decimooctauum  
Septembris diem Saxo domum redire cogita-  
ret, Cæsar petit ut quatriduum solum expe-  
ctet. Interea Principes delecti formulam de-  
creti concipiunt, & vicesimo secundo Se-  
ptember die Saxonem atque socios domum  
suam Cæsar euocat, inque pleno Senatu Prin-  
cipum, illud quod ad religionem pertinebat  
recitari iubet. Saxonem videlicet atque so-  
cios doctrinæ suæ confessionem exhibuisse,  
quaæ postea sit sacræ Scripturæ testimoniis  
confutata. Multo deinde labore tam suo  
quam reliquorum ordinum eò rem esse de-

Decretum  
Augustanum.

h. iii.

ductam , vt illi quædam dogmata ecclesiæ re-  
ceperint , quædam repudiarint . Se tamen , vt  
omnes , quâm sit amans pacis intelligent , quâm  
nihil impotenter aut cupidè faciat , singulari  
quadam benignitate ipsi largiri deliberandi  
spatium ad decimumquintum usque diem A-  
prilis , vt interea reputent secum atque sta-  
tuant , num in iis dogmatis quæ reliqua sunt ,  
idem quod Pontifex , quod ipse , quod vniuer-  
sus denique orbis Christianus profiteri ve-  
llint . Interea se velle , vt pacem per Imperium  
colant omnes , ne Saxo sociisque noui quid in-  
terea de religione suis in ditionibus procul  
patiantur , ne quid etiam innouent , ne quem  
ad suam religionem pelliciant aut cogant .  
Ad ea Saxo sociisque per Pontanum respon-  
dent , non se fateri nec agnoscere doctrinam  
suam auctoritate sacrarum literarum esse con-  
futatam , imò ita sentire , sic illam niti Scriptu-  
ræ sacræ consensu , vt quod impium sit nihil  
in ea reperiri possit . Etsi quidem lector confu-  
tationis exemplum impetrassent , liquido se  
potuisse hoc demonstrare . Ne tamen silentio  
præteriretur confutatio , contrarium se scri-  
ptum inchoasse , statim vt audissent eam reci-  
tari , quantum quidem memoria complecti  
potuerint . Quod ipsum scriptum nunc tan-  
dem post multas occupationes perfectum sit .  
Quum hucusque peruentum esset , Pon-  
tanus apologiam Cæsari defert . Eam ubi Fri-  
dericus

dericus Palatinus accepit, subnuente Cæsa-  
re, cui Ferdinandus aliquid ad aurem insu-  
surauerat, reddit. Postridie Cæsar per Ele-  
ctorem Brandenburgicum refert, quod adeo  
adfirmet suam doctrinam esse piam, satis mi-  
rari se non posse: quum non solum confutata  
iam sit auctoritate Scripturæ, verum etiam su-  
perioribus omnibus Conciliis condemnata.  
Quod magis etiam mirari, quod sibi reliquæ  
que Principibus errorem & falsam religio-  
nem attribuant. Etenim si vera sint quæ di-  
cant, iam & suos & reliquorum etiam Princi-  
pum, & ipsiusmet Saxonis parentes atque ma-  
iores, qui religionem illam seruauerint, haben-  
dos esse pro hereticis. Quod ad scriptum at-  
tinget, oppositum confutationi, iam antea de-  
monstrasse nullam se disputationem amplio-  
rem religionis velle permettere: quandoqui-  
dē hoc neque liceat, neque sui sit officii. Hac  
nimirum de causa illud repudiasset. Nisi enim *Cæsar*  
decretem hoc admittant & ratum habeat, ca-  
piendum sibi esse consilium ex tempore, & fa-  
ciendum in eo quod suam personam & munus  
deceat. Et nisi pareant, fore ut reliqui ordines  
omnia Cæsaris causa velint & faciant. Iam  
enim data fide promisisse fortunas omnes ei se  
communicaturos, & sanguinem ipsum atque  
vitam, ut negotio finem imponat: illum inui-  
cē omne robur atque potentia huic esse colla-  
turū, ac promisisse non prius iturū extra fines

Imperii, quam ad exitum res deducta sit. Et hæc quidem ita se ipsis denuntiare Principum atque ordinum omnium mandatu. Dicebat præterea ipsorum Ecclesiæ ministros magnū attulisse momentum ad seditionem atque bellum illud horribile rusticorum, quo propè ad centum hominum millia perierint. Postremò velle Cæsarem atque mādare, ut Abbates, monachos & alios ordinis ecclesiastici, quos cicerint, in integrum restituant. Nam audire eum quotidianoſ illorum gemitus, & de restitutione quotidie solicitari. Illi respondent, quoniam decreti exēplum, déque re tota deliberandi spatiū impetrari nequeat, non esse quod amplius interpellent. Ideoque se rem omnem Deo committere, in quo primam spē salutis positam habeāt. Quum hæc orassent, petita dimissione discedunt, relictis ibi consiliariis legatis. Verūm antequam abirent, Magonitus & Treuirensis & Palatinus per internuntios exponunt apud Saxonē & Lantgruianos, quod Brandenburgicus Elector de subministrandis auxiliis & communicandis fortunis ad propugnationē religionis effet locutus, iniussu suo factum. Quare si quam de se conceperint opinionem minus cōmodam, orare ut illam deponāt. Purgationē Saxoniæ Princeps accipit, & ab se vicissim benevolentiam omnem expectari iubet. Romæ tunc temporis exundauit Tiberis maximo cum terrore ciui-

tatis, reflantibus ventis, & fluminis decurrentis impetum à mari retrò pellentibus. itaque plurimum fuit acceptum damni. Atrocior multo calamitas peruersit Batauos, iisque finitimos populos, quum per aggeres, quibus constringitur iis locis, mare perrupisset, & omnia secum longè latèque inuolueret. Decim tertio demum Octobris die, quum omnes ordines præterquam Protestantes in curiam vocati venissent, ciuitatum legatis recitatur decretum, & potentibus exemplar, denegatum fuit, repetita semel atque iterum prælectione. Quum plerique omnes approbarent, Augustani, Vlmenses, Francofurdi, Halenses deliberandi tempus petunt. Postea vocantur in curiam, & recitatur formula pacis, in qua ii solum erant comprehensi, qui decretum factum approbassent. Biduo post Cæsar domum suam euocat Argentinenses atque socios, & in ordinum confessu recitari iubet ipsorum doctrinæ confutationē, scriptum valde prolixum & acerbū, ea parte potissimum, vbi de Cæna Domini tractatur. Eius erant artifices Ioannes Faber & Eccius. Nam quod inuidiosum esset argumentum, criminatiois nullum genus prætermiserant, vt Cæsarem atque Principes accenderent. Exitus hic erat, Quandoquidem in religione diuersam à reliquis omnibus opinionem profiteantur, & gravissimum illum errorem de sacramento eucha-

ristiæ probet, statuas è tēplis eiecerint, & Mis  
sam abrogarint, & collegia Cesarum atq; Re  
gum liberalitate olim costructa, subuerterint,  
& varias quoque sectas foueant, inque vulgus  
per Germaniam disseminent editis libellis,  
qui passim circumferantur: idcirco denuo ab  
ipsis se postulare, vt ad sanitatem redeant, &  
priscam religionem recipient. Alioqui se non  
prætermisflurum esse quod sui muneris ratio  
postulet. Illi obiecta refellunt, & confuta  
tionis exemplum sibi communicari petunt, nec  
impetrant. Quare orant iterum atque iterum,  
vt per Conciliū pium atque liberum causa de  
finiatur, vtque religioni pax detur: nam alio  
qui non se posse, etiam si maximè velint, qui  
quam contribuere in bellum Turcicum. Dum  
hæc aguntur, Vlmentes, Augustani, Franco  
furtenses, Hallenses, decretum factum de reli  
gione declinant, & Concilium urgent. Faber  
autem & Eccius, honorarium munus à Princi  
pibus petunt & impetrant, ob scriptas confu  
tationes: operam quoque suam deinceps Pon  
tificiæ religionis defensioni pollicentur. Nam  
hi, sicut alii plerique, cogitabant crescere de  
Lutherò: & Faber quidem postea Viennensem  
episcopatum est adeptus à Rege Ferdi  
nando. Hinc illud Erasmi Roterodami face  
tum, quo dicere solebat, Pauperem & tenuem  
Lutherum locupletare multos. Interea Sa  
xones & sociorum legati Cæsarem interpel  
lant per libellum supplicem, & orant vt pa

cem communem per Imperium statuat, néve  
religionis causa cuiquam vlla creetur mo-  
lestia vel periculum. Cæsar undecimo die No-  
uembbris per Fridericum Palatinum respon-  
det, quia decretum repudient, ideo se cum re-  
liquis fecisse pa&tum: non quidem offendit, sed  
muniendi sui causa, si qua fortè vis intentabi-  
tur iis, qui vnà secum eandem profitentur reli-  
gionem. Quod autem petat ne fisco liceat ad-  
uersum ipsos experiri, non esse æquum. Hoc  
enim propriè ad suum pertinere munus, vt ius  
omnibus administretur. ideoq; nolle sibi quic  
quam in eo præscribi. Quum aliud obtineri  
non posset, scribunt epistolam ad omnes ordi-  
nes, & quid actum sit paucis commemorant:  
acpetunt ne sub exitum decreti, suorum Prin-  
cipum nomina reliquis inferatur: & quoniam  
de pace frustra solicitarint, ad auxilia belli  
Turcici nihil à se posse cōtribui docēt. Qui-  
to post die præsente Cæsare decretum recita-  
tur in omnium ordinum cœtu: & post multam  
enumerationem totius actionis, Cæsar statuit  
ne tolerentur qui de Cœna Domini see⁹ quam  
hucusque seruatum sit, docent. Qui ante hoc  
tēpus facti sunt mariti sacerdotes vel Ecclesia-  
stici, priuētur beneficiis, quę statim ab hoc cō  
uentu, conferantur aliis. Hoc durante comi-  
tio Lutherus erat Coburgi ad Franconia& fi-  
nes, mandatu sui Principis, vt tantò vicinior  
esset Augustæ, si qua fortè res ipsius auxilium

postularet. Ut autem absens etiam aliquid in  
commune conferret, librum ad Episcopos &  
id genus alios proceres in eo conuentu conscri-  
bit. In hoc Cæsar is & Pontificiorum fremitu  
atque cōminationibus Melanchthon erat a-  
nimo admodum sollicito & anxio, non quidem  
sui, sed ipsius exitus & posteritatis causa: sēque  
mōrori, suspiriis atque lachrymis totum da-  
bat. Lutherus autē vbi cognouit, crebris lite-  
ris illum erigit & consolatur: & quia non ho-  
minum, sed omnipotentis Dei sit hoc nego-  
tium, monet vt omni deposita solicitudine ac  
grauiori cogitatione, totam molem in illum  
reiiciat. Et cur, inquit, ad hunc modum te cru-  
cias & affligis ipse? Si filium suum Deus pro  
nobis impēdit, quid trepidamus, quid metui-  
mus, quid angimur atq; tristamur? An satanas  
est illo potentior? An qui tantum beneficium  
cōtulit, in rebus leuioribus deseret? Cur mun-  
dum à Christo debellatum formidamus? Si  
malam causam defendimus, cur non muta-  
mus propositum? Si piam atque iustā, cur Dei  
promissis non confidimus? Causam hanc ab-  
sque nostro consilio Deus gubernauit ad hoc vs  
que tempus & protexit, idem quoque deinceps  
ad optatum finem perducet. Mihi quidem o-  
mnis hæc actio de doctrinæ cōcordia displicet.  
nam frustra hic labor sumitur, nisi regnum  
suum Pontifex aboleri totum velit. Quum  
hic effet rerum status, & offendionibus omnia  
paterent,

paterent, Lantgrauius fœdere sex annorum si-  
bi coniungit Tigurinos, Basilienses, Argenti-  
nenses, vt si cui vis fiat religionis causa , mu-  
tuum præbeatur auxilium. Eodem tempore  
Cæsar datis literis iubet Saxonem Electorem  
adesse Coloniæ , creandi causa Romanorum  
Regis. Ea re cognita Saxo dimissis literis hoc  
illuc , Lantgrauium reliquosque Principes ac  
ciuitates Protestantes orat & hortatur , vt ad  
vicefimum secundum diem Decembris Smal-  
caldię conueniant: sed interea filium suum Io-  
annem Fridericum Coloniam celeriter di-  
mittit. Vbi Smalcaldiam omnes venerunt, fœ-  
deris concipiunt formulam, non quidem of-  
fendendi quenquam, sed sui defendendi cau-  
sa. Subscriperunt huic continuò Principes. I-  
tem Albertus & Gebartus Mansfeldici, Mag-  
deburgum etiam atque Brema. Sed Argento-  
ratum, Vlma, Constantia, Lindauia, Memin-  
ga, Campodunum, Heilbrunum, Rutelinga,  
Biberacum, Isna sic recipiunt , vt ad suos refe-  
rant, & intra sextam hebdomadam nuntient  
quid velint. Georgium verò Brandenburgicum  
& Noribergam placuit per literas interorra-  
ri. Fuit & hoc decretum, Danię Regem & Po-  
meranum , item Megelburgum Principem ,  
Hamburgum, Embecū, Northemium, Fraco-  
furtum, Brunswicū, Gotingā, Mindam, Han-  
nobriam, Hildessemum, Lubecam, Stetmum,  
aliásque ciuitates maritimas per legationem

esse solicitandas. Cōfederati Principes quos dixi, Smalcaldia dant literas ad Cæsarem die vicefimoquarto Decembris, siquidē ipso viuō & superstite Romanorum Rex creetur, & quidem frater germanus, ambiens atque rogās, videre ipsum, quēadmodum id planē fiat, contralegem, contra ius atque libertatem Imperii, contrāque sponzionem atque pactum, & eam qua sit reipub. deuinctus, fidem. Causas creandi Romanorū Regis has in medium adduxit Cæsar in primo cōgressu Principum Electorum, Coloniæ, Quia diuersis ipse regnis atque populis imperaret, neq; posset esse conti nenter in Germania: quia turbulentus admodum esset & periculosus orbis Christiani, precipue verò Germaniæ status, propter dissidiū religionis, propter vim atq; potētiam Turcarum, propter nuper excitatā seditionem atque bellum rusticatum: & quia per Imperium multa in officiōsē fierent ac minus obsequenter. Principes Electores à deliberatione Cæsarem orant, ne Germaniam deferat: sed in ea domicilium ac sedem sibi collocer. Quum autem in sententia persisteret, collatis consiliis, quinta Ianuarii die, Ferdinandum renūtiant Romanorum regem. Saxo, quod vnum poterat, creationem hanc esse vitiosam, explicatis causis, neq; sibi probari, per filiū disertè protestatur.

## LIBER OCTAVVS.

**I**N superiori Smalcaldiæ cōuentu, hoc etiam inter alia placuit, quoniā aduersarii causam

M.D.

xxxii.